



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas I.

[urn:nbn:de:hbz:466:1-50306](#)

censi, quidquid in exterioribus abjectum magis aut afflictivum est, quantum de se, avidissimè inquirunt; intus verò charitate pleni, proprii expertes arbitrii, à desiderio sensibilis voluptatis prorsus alieni, in omnibus imitari student unum suum Magistrum ac Redemptorem Jesum. Videat nunc, qui Dei servitio se adscriptum cupit, quâ classe accipiens sit, & quantum adhuc à meta remotus; nè, jam tertio cœlo se illatum putet, adhuc se reperiatur in ipso aditu, vixque primum gradum in sacro itinere posuisse.



Dictamina Generalia.

DECAS I.

Non rectè mortem definieris dicendo: æqualem esse diviti ac egeno, Cræso ac Iro. Vita idem facit: tam Regibus infesta est, quam mendicis, tam favens utrisque. In omnes dispensat gaudia & dolores, nisi quod in Regibus occurrat materia major. Ast gibbus elatior non implet animum, onerat solum. Majestas quoq; objecti non subingreditur sensum;

I 2

neque

neque major est acies prospicientis in iugum montium, quam in granum arenæ.

2. Avarus animam suam venalem habet; prodigit eam quovis lucro. Assentatori mendacia sub hasta sunt, indè comparat favores. Qui honoribus inhiat, nundinatur pericula; qui omnibus se ingerit, contemptum! infelix meliore cæteris sorte cautelam. Contrarium prosperitas habet: dolos mercatur pretio excessivo.

3. Si oculos animumq; in se reflectere, Aristoteles nominavit fatuitatem, certè in alios defigere aut error est, aut errandi periculum. Pronissimum quippe est judicare unum altero meliorem, hujus conditionem præstare alterius; id est ansam dare, unde vel torquearis ipse, vel alios lacefas. O cœcam hominum malitiam! plus student aliena rapere cum molestia, quam frui propriis cum quiete.

4. Utì cespitant pedes, ità lubricant cogitationes: adverte, unde fermentur. Solidius non fixeris, nisi complendo quod debes. Nam si ambitio eas impellat? cadent ex alto præcipites: si avaritia? impingent in imo: si voluptas? corruent in piano.

s. Ardea

5. Ardea liberè se gyrat in aëre, nec impingit: anima verò cùm aliò vagatur, vias obit periculosas. Proinde veluti corpus semper intrà tutiora se colligit, ità & illa amat suis limitibus contineri. Territorium animæ est nosse conditionem suam, hoc solum stadio decurrat. Genus apostasiæ in Religioso est, pedes habere in cella, animum in compitis.

6. Qui nimio labore contendit obtinere, quod appetit, abjecti animi est, aut, quod idem sit, si non non pejus, elati: Est instar damnati ad triremes, aëst pendentis è patibulo, vitamq; agit, quasi è filo pendulam.

7. Invidia cor Scorpionibus replet: vanitas caput exinanit, dum ex vertigine corruat. Sensualis vitam habet vitream, piger plumbeum corpus. Epulo gerit characterem bestiæ: crudelis, feræ: superbus dæmonis: castus Angeli.

8. Ad dandum consilium opus est animositate: ad recipiendum patientiâ: ad petendum candore, & veritate; ubi passio subintrat, cuncta pessumeunt. Multi petendo consilium pro eo quod agendum

est, quærunt approbari id, quod libitum est.

9. Arduum est svadere , quibus sensus proprius pro oraculo est. Aut enim consilium perditur, aut consultor ; præsertim, si cui svadetur, authoritate polleat. Atverò non desunt occasionses , in quibus vel gloria sit, vel debitum periclitari.

10. Non illi consilium proficit, cui amplus est ad cognoscendum intellectus, sed cui modica ad remittendum voluntas. Malitiâ voluntatis , non judicii perverti consilia solent, penè dixerim , everti.

DECAS II.

11. Felicitas quædam nasci solet, alia seminari, alia fieri. Nascitur, quæ sponte occurrit : seminatur, quæ resultat ex meritis : fit, quam prætensio extorquet. Hæc dupli forma exprimitur , dolo & industriâ. In illo formatur ex luto , in ista funditur ex ære, atque hinc magis duratura. Neutra tamen immunis est, quin ab invia proteri possit, & confringi.

12. A virtute homo redditur bonus, ab operibus magnus, ab occasione celebris. Non parùm felicitatis tempus ipsum subministrat.